

康平縣鄉土志目錄

歷史

政績錄

兵事錄

耆舊錄

人類

戶口

氏族

宗教

實業

地理

山 水 道 物 商
路 產 務

編纂員

勸學所總董李紹綱
巡警總局董事徐芳

歷史 本境建置沿革

康平古屬東夷地為青州北境秦為遼西北境漢為遼東郡之北境後漢為扶餘鮮卑地晉為平州北境隋河東郡北境唐宋均屬契丹地遼為東京道之北境金分屬北京路元開元路之西北境明為福餘衛地北境向為蒙古游牧之地入

國朝為科爾沁達爾罕賓圖三王旗地光緒四年設康家屯分防經歷分府治遼河西十二社七年改設康平縣治置知縣一員訓導一員典史一員二十八年在縣西百一十里後新秋設分防主簿一員均隸昌圖府無城池

政績

康平設縣治垂三十年前後縣令治績可錄者如光緒八

年張公丕績字次暄順天寶坻縣人戊辰科進士宰康平創立學校請設學額諭令有子弟者延師教讀公又聽斷清慎所判詞訟兩造俱帖服而去洵所謂政平訟理也十二年許公之履字圃仙江蘇漂陽縣人委署康平適境內多盜公嚴密防拏不遺餘力境內以安民間詞訟當堂立斷一無留滯逾年公解印去旋於十六年公實授康平又值縣東河套等處大水為災民間春畊乏種公聞之惻然出宦囊數百金為民買麥種三百餘石至秋一文不取及其故後民思念不忘在城隍廟側設祠以祀之二十三年高公暄陽字樸庵江西彭澤縣人甲午科進士署理康平深憫文風不振首先捐廉創修秀水書院招集生童數十人肄業其中以學歛

無多公自兼山長之任每三五日必親詣書院為諸生講解一切
襍徭悉祛之等獲匪首吳玄智等訊明懲辦由是邪教息焉公
任康平三年善政甚多二十五年涂公景濤字稚衡湖南長江
舉人補授康平以康邑曾有書院而無力延請山長自出館金
聘之懸有啟藩學堂匾額次年拳匪肇亂有匪黨周生董鳳鳴
大肆鴟張勢甚洶洶公竟以計將二匪擒獲正法縣城乃安衙
門東有德政碑在焉二十六年馬公俊顯字績卿吉林漢軍人
正值俄軍入省逃兵四潰大肆劫掠公準守望相助之義分一
縣為四十八團聯絡一氣保衛地面所以庚子之亂各州縣皆被
擾害而康平獨安固無憂公之力也三十一年劉公晉藻字子香
順天宛平縣人由內閣中書以同知截取辦理交涉議賠天主教案

忠合機宜任康平時正值不肖通事倚勢欺民顛連無告公
熟悉交涉卒能去不肖而安良善三十二年歐陽公薨字惠
秋湖南長沙人由光化縣調署康平以原有巡警雜亂無章
歸為一局十三區每區馬兵二十名並飭發兩聯票據交分
區紳董凡交餉者發給票稍票根繳局俾巡餉有所稽核民
皆稱善趙帥甚倚重之旋調署遼陽州升補是缺於三十三年
二月交卸繼任忠公聲字鶴泊蒙古人吉林駐防到任後即歸
併房班力除其弊六房併而為三三班只留其二時因前任派
捕兵王玉臣差旋因拏賭鎗斃人命當經訊明照軍法從事
臨下以簡治兵以嚴至聽訟則隨審隨結案無留牘賸則巡行
街市下情得以上達往往在勸學宣講各所隨時收呈判斷是

非立予完結行所無事至學堂蒞任以無款未辦公力任其艱
於秀水書院舊址因房間變亂殘毀倡捐廉銀二百元修葺創立
兩等小學堂一處招生一班因學生皆貧寒子弟籌給膳費城
隍廟內設半日學堂一所招生一班附設師範傳習所一所又
設勸學勸農宣講醫學研究各所不時親自勸導四鄉立初
等小學共二十一所學堂為之一興至巡警地餉以去歲雨水為
災民情困苦於原設十三區內每區裁馬兵五名以節餉額計
每月可節巡餉一千數百元每於下鄉時勸學堂勤稼穡務
工藝開水利植樹木講求自治之基民皆向化耳目一新

兵事

康平未立縣以先為盜賊淵藪當同治四年有巨匪馬俊子王

洛七等率羽黨數千人自朝陽界竄入擾害境內幾無完土
經直隸派副將馬鴻圖並吉林將軍德莊毅公派兵協勦滅
之及三十一年二月日軍攻俄至鐵俄軍退據金家屯一帶日
軍第七師團隊屯駐康平境內自春徂秋屢次在遼陽窩堡
莫力克陶代屯等處開仗鷄犬為之不安兼日本招撫馬賊名
為義勇正義兩軍在境內蹂躪經年闔境不堪其擾至今十
室九空實由於此縣有捕盜巡官一員捕盜馬兵四十名以
十名馬隊變作步隊二十名專為護守封獄現在巡警站崗
兵六十名馬兵一百八十名縣屬不藉官軍之力專恃捕兵
巡警合力緝捕並籌辦堡防以防盜賊

耆舊

道光年間科爾沁旗僧忠親王格林沁由台吉襲爵為人忠勇
屢立戰功沒於王事其事實本未詳於國史又縣北朝陽堡
董惠同居七世人至一百五十餘口而父子兄弟尚同心合德
毫無間言可稱謂睦又縣南陶代屯鄭湖李茂春以一邑而
論其家不過中貧而姓皆好善樂施計每年每家捨米至
四五十石隣近貧民賴以生活迄今家俱少微其子孫勉
承先志猶時以米卹焉可稱謂邱

人類

蒙古

滿洲

漢軍

民籍

戶口

旗戶一百六十五戶計男婦大小一千八十九名口民戶二萬

一千三百戶計男婦大小十五萬三千五百二十六名口

氏族

縣西南王序窩堡王姓係嘉慶初年自山東遷居本境至今已傳五代縣西南牌子屯徐姓係道光初年自朝陽遷居本境至今已傳四代族支甚繁

宗教

喇嘛教人一百三十四名天主教人一百六名耶穌教人一百一十六名

實業

士一百三十名農四萬一千二百名工一千三百名商八百六十九名

地理

本境在北緯四十二度四十九分二十五秒東經七度六分十四秒至京師水程無陸程一千七百二十里至

盛京省奉天府水程無陸程二百二十里東昌圖府水程無陸程一百二十里東至小塔子隔遼河五十里昌圖府界西至蘇白地東溝一百三十里彰武縣界南至張家店三十五里法庫廳界北至遼陽窩堡八十里遼源州界全境十二社分為十三區縣治設知縣衙門一所訓導衙門一所典史衙門一所巡警總局一所兩等學堂一所半日學堂一所附師範傳習所一所勸學所附宣講一所醫學研究所一所至初等小學二十一所分設十三區界內

第一區防所在縣街德化社民立初等小學兩所文廟一所關帝廟一所城隍廟一所許公祠一所東界第二區西界第五區南界法庫廳界北界第三區西南臨街有泡子一處方圓約八里南二十五里陶代屯有喇嘛廟一所又南三十里泡子沿有泡子一處方圓約八十里又南張家店三十五里有石橋西北十里馬連屯有蒙古學堂一所又泡子一處方圓約七十里西南五里黑鴉屯有喇嘛廟一所

第二區防所在長溝子合南豐仁來遠遵道三社縣東四十里小學堂二所東界昌圖府界西界第一區南界第四區北界第三區區之哈拉戶燒有喇嘛廟一所

第三區防所在太平街合北來遠榮恩二社縣東北六十里小學堂一

所東界第二區西界第五區南界第一區北界遼源州界

第四區防所在顧家屯合豐仁崇仁二社縣東南四十五里小學
堂二所東界遼河昌圖府界西界第八區南界法庫廳界北
界第二區區之小塔子有娘娘廟一所塔一座遼河西沿有
古城尚有城基六七尺

第五區防所在大王家窩堡合榮恩慶豐二社縣西二十五里小
學堂一所東界第一區西界第七區南界第八區北界第三區
第六區防所在哈爾沁屯合興讓服化德化三社縣西八十里小
學堂二所東界第七區西界第九區南界第十二區北界十
一區遼源州西南界區之唐僧廟有喇嘛廟一所

第七區防所在莫力克合慶豐德化興讓三社縣西六十里

小學堂二所東界第五區西界第六區南界第八區北界博
王旗界區之小陵有喇嘛廟一所又小城子有古城舊址

第八區防所在羅家屯德化社縣南七十里小學堂一所東界
第四區南界第十二區南界法庫縣界北界第一區

第九區防所在後新秋合興讓服化二社縣西一百一十里圭簿
衙門一所小學堂二所東界第六區西界蘇魯彰武縣界南
界十區北界十一區

第十區防所在西平頂山合服化信化二社縣西南一百三十里
小學堂一所東界十三區西界第九區蘇魯彰武縣界南界
彰武縣界北界第九區

第十一區防所在光定營子興讓社縣西北一百六十里小學堂

一所東界第六區西界小嘩嚕界南界第九區北界沙坨子博三旗界

第十二區防所在卧牛石台德化服化二社縣南九十里小學堂一所東界第八區西界十三區南界法庫廳北界第六區第十三區防所在東稗子屯服化社縣西九十五里小學堂二所東界第十二區西界第十區南界法庫廳界北界第十二區區之稗子屯有關帝廟一所

山

王爺陵山在縣西南七十里

公主陵山在縣西南五十五里

雅古山一名阿古山在縣西南一百五十里